



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 3. Vtrum sit de necessitate huius sacramenti, vt chrisma fuerit ab
Episcopo consecratu[m].

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

itum ex oleo & balsamo; sed absolutè materiam esse vinum de vite, cui ante consecrationem aqua modicissima adhiberi debet; satis insinuans aquam non esse de substantia, sed solum præcepto Ecclesia adhiberi.

Satisfactio
nō est pars
essentialis
Poenitentia-
tiae, sicut
mixtio olei
& balsami
huius Sa-
cramenti,

Dices Secundò, Satisfactio est ex institutione Christi; & tamē nō est pars essentialis Sacramenti poenitentie, sed solū integralis; ergo similiter balsamum poterit esse pars integralis. Ita Canus.

Respondeo, Negando Consequentiam. Est enim dispar ratio: satisfactio enim est pars Poenitentiae talis, quæ nō supponitur forma illius Sacramenti, sed ordinariè eam sequitur; neque actu concurrit ad actu constituentium Sacramentū Poenitentiae, quando substantialiter perficitur; sed solum est complementum quoddam, quod absolutè poslit abesse, imò fieri potest, vt nulla satisfactio sit imponenda; balsamum verò est pars, quæ necessario supponitur formæ, & actu debet concurrere dum Sacramentum perficitur: vnde est pars essentialis.

12

Dices Tertiò, Innocentius III. Capitulo Pa-
storale, de Sacramentis non iterandis, consultus,
An qui per errorem nō chrismate, sed oleo tan-
tum fuerat delibitus, Sacramentū Confirmationis iteratò debeat suscipere? Respondeat, Nihil in
talibus iterandum, sed cause supplementum, quod incaute
fuerat prætermissum: ergo balsamum nō est mate-
riam necessaria huic Sacramento. Ob hoc argumen-
tum multi recentiores putant balsamum non esse
necessarium necessitate Sacramenti, sed solum ne-
cessitate præcepti: vnde, si in solo oleo oliuarum
benedicto conferatur, esse verum Sacramentum.
Ita Caietanus hic. Victoria quæst. 41. de Con-
firmatione. Sotus dist. 7. art. 2. Nauatrus cap. 22.
Enchiridij n. 8. Couarruas lib. 1. Variarum re-
solutionum c. 10. num. 4.

Quod confirmatur Primo, Quia difficulter ve-
rum balsamum haberi potest; & olim in sola Iu-
daea reperiebatur, teste Plinio lib. 12. cap. 25.
Cōfirmatus Secundò, Quia Paulus III. Pius IV.
& Gregorius XIII. dicuntur permisisse, vt ex In-
dico balsamo Chrisma conficiatur; quod tamen
videtur alterius speciei, quam Iudaicum; quod
est signum, hanc materiam non esse omnino ne-
cessariam, alioquin Pontifices nec tam facile con-
cessissent.

Verū etiā hęc sententia non sit improbabilis:
tamen quod diximus, est probabilius. Vnde ali-
ter Respondeo. Verba Innocentij & generatim
& formaliter accipienda: In talibus, nempe, in Sa-
cramento Ordinis, & Confirmationis, qua Char-
acterem imprimit, nihil esse iterandum, scilicet
nec substantia, nec ceremonias. Ceremoniae enim
iterande non sunt, quia sufficit eis semel admi-
nistratas: substantia quoque Sacramenta non est
iteranda, quia haec Sacraenta sunt initerabilia.
Cause itaque supplementum, quod prætermissum est, sive
illud substantiale sit, sive ceremoniale. Ex quibus
verbis colligitur, Innocentium velle ut substantia
Sacramenti conferatur, quia antea collata nō fuerat;
alioquin fatendum erit ipsum velle, vt solo
balsamo, quod prætermissum fuerat, vngatur; quod
ridiculum est, & nunquam factum. Addo: Saltem
non esse certum, illam Confirmationem in oleo
valuisse: vnde omnino oportebat eam sub condi-
tione in materia certa conferre: nec Innocentius
diuid poterat respondere.

Ad primam Confirmationem: Respondeo fa-
cile tantillum balsami potuisse haberi: nam in

Iudea erat magna copia; vt patet ex Iosepho
lib. 2. cap. 2.

Ad secundam Confirmationem: Sicut quod-
uis vinum sufficit ad Eucharistiam, ita quodvis
balsamum ad hoc Sacramentum.

ARTICVLVS III.

*Virūm sit de necessitate huius Sa-
cramenti, vt chrisma fuerit ab
Episcopo consecratum?*

R Espondeo, Necessarium esse, vt hoc chrisma 13
si ab Episcopo consecratum, seu benedictum. Necessariū
Est certum. Quia multa Concilia prohibent, ne
Sacerdos chrisma conficiat, eō quod hoc sit minus
Episcopi. Concilium Romanum sub Silvestro
can. 1. Constitut Silvester clara voce, nō nemo Presby-
ter vel chrisma conficeret. Carthaginense II. can. 3.
Vt chrisma, & consacratio puellarum, & reconciliatio ad
penitentiam à Presbyteris non fiant. Et aperte Con-
cilium Florentinum in instructione Armenorum:
Soli Episcopo licere chrisma consecrare. Idem collig-
itur ex Clemente Romano, lib. 7. Constitutione
Apostolicarum, cap. 45. & Dionysio Areopagita Dionysius.
cap. 4. Ecclesiastica Hierarchia, vbi agit de con-
secratione chrismati, eamque dicit perfici per
Hieracham. Denique Innocentius III. Capitulo 14
Cum venisset, de Sacra Vnctione. Eadem est sen-
tentia communis Theologorum. Ratio principua
est Christi institutio: qui sic instituit, quia dece-
bat materiam Sacramentorum ista benedictione
veluti disponi, & elevari ad formam sacramenta-
lem. Baptismi quidem & Eucharistie materia per
ipsum vsum Christi Domini sanctificata sunt;
vnde nō egere necessariò noua benedictione. Sed
unctione visibili Christus non est vslus, ne iniuria
fieret unctioni invisibili: vnde oportuit illam ma-
teriam noua benedictione sanctificari.

DVBIVM I.

*Virūm hac benedictio, seu consecratio chrisma-
tis sit de necessitate Sacramenti?*

C Aietanus insinuat non esse. Sed communis
sententia est, chrismate non benedictio non
perfici Sacramentum: quod omnino est tenendum.

Probatur, Quia hęc benedictio est ex instru-
tione Domini; vt cōstat ex epistola Fabiani Papæ, Consagra-
vbi ait Dominum in nocte cena docuisse Apostolos chris-
mati est
confidere chrisma, id est, benedicere per unctionem
Spiritus sancti. Et ex Cyrillo Hierosolymitano
Catechesi 3. mystagogica, vbi dicit, Hęc vnguen-
tum post Spiritus sancti unctionem non esse commune
vnguentum, sed chrisma Christi, quod aduentu Spiritus
sancti vim haberet. Vbi fatis insinuat nullam vim ha-
biturum sine haec unctione Spiritus sancti. Cy-
prianus sermone de unctione chrismati: Sancti-
ficatis elementis iam non propriè natura præbet effectū,
sed virtus diuina potius operatur: adeo veritas si-
gno, & Spiritus Sacramento. Denique idem collig-
itur ex Concilio Florentino, quod absolutè hanc
benedictionem requirit.

Vnde sequitur Primo, Hanc benedictionem fecatio-
non esse cæmoniam aliquam accidentarianam Sa-
cramentum, qualis est benedictio fontis, sed effen-
tialis. Secundò, Non posse ab Ecclesia tolli; aut formis
quia Ecclesia non potest essentia mutare.

G g 14 Aduerte

Aduerte tamen formam benedictionis, quâ Ecclesia vtitur, non esse necessariam, sed sufficere quamvis invocationem Spiritus sancti, vt benedicat & sanctificet hoc vnguentum, quamvis alijs verbis fiat, quâm Ecclesia prescrivit. Ratio est, Quis Dominus non prescrivit determinata verba, sed solùm Spiritus sancti vel diuinitatis invocationem, ad sanctificationem vnguenti. Vnde nec semper, nec ubique eadem forma invocationis seruat. Pari ratione non est necessaria probitas, aut fides ministri; sed sufficit legitima intentio benedicendi Chrismatis vt Christus instituit, vel vt Ecclesia seruat.

DVBIVM II.

An hac benedictio necessariò fieri debeat ab Episcopo?

Respondeo Primò, Certum est Sacerdotem simplicem suâ ordinariâ potestate non posse hanc benedictionem præstare, quidquid dicat Caïtanus: cest enim communis sententia Theologorum. Patres etiam & Concilia requirunt benedictionem Episcopi, & negant à Presbytero eam posse fieri. Quod si Presbyter haberet potestatem ordinariam, non ita absolute requirent Episcopi benedictionem; nec ipsi cani negarent ita absolutè.

Probabile tamen est, ex commissione Pontificis Presbyterum posse. Ita Caïtanus hic; & Victoria quæst. 43. & aliqui alij recentiores. Probatur, Quia potest esse minister ipsius Sacramenti Confirmationis, quod maius est, ut infra dicemus: cur ergo ex eadem commissione non posset confidere Chrisma, quod minus est?

Contrarium tamen est probabilius, scilicet Papam non posse hanc benedictionem Presbytero committere: cuius signum est, quod nunquam legatur id fecisse. Confirmatur ex Concilio Florentino, quod absolute requirit, vt sit benedictum ab Episcopo: cùm tamen ibidem dicat ex commissione Pontificis aliquando concessum Presbyteri, vt hoc Sacramentum conferrent. Et ratio est, Quia cùm iure diuino hoc sit concessum Episcopis, vt chrisma co-ficiant, vt patet ex suprà dictis, non facile afferendum est Pontificem id posse extendere ad alios, nisi maior ratio vel auctoritas id conuinçat.

Nec obstat quod conferre Sacramentum amplius videatur, quâm disponere materiam: quia potuit esse legitima causa, cur Dominus ita voluerit esse Episcopum ministrum Sacramenti, vt hoc ministerium etiâ simplici Presbytero posset committi: nempe, quia Episcopi non possunt se ad omnia loca, vbi hoc Sacramentum conferendum est, transferre. Quæ ratio locum non habet in benedictione materie.

Dices, Concilium Toletanum Primū Canone 20. apertè dicit, *In quibusdam locis, vel prouiniciis dicitur Presbyteri chrisma conficerere: nec tamen id damnat tamquam irritum.* Respondeo, Non est credibile in Ecclesijs Catholicis suis vñquā permisum Presbyteris vt conficerent chrisma Confirmationis; fusser enim intolerabilis abusus contra tot Canones, cum periculo summi sacrilegij. Vnde Concilium videtur loqui de chrismate, quo baptizati vnguntur in vertice; quæ vñctio, cùm sit cærimonialis, posset ab Ecclesia eius benedictio Sacerdoti committi. Vtus tamen Ecclesiæ

habet, vt hæc quoque vñctio fiat chrismate per Episcopum benedicto.

ARTICVLVS IV.
Vtrum hac sit conueniens forma Confirmationis: Consigno te signo Crucis, &c.

Respondeo, Hanc esse conuenientem formâ: ¹⁷ Consigno te signo Crucis, & confirmo te chrismate Formâ: salutis, in nomine Patri, & Filii, & Spiritus sancti, est conueniens. Ratio est, Quia in ea exprimitur causa principalis huius Sacramenti, scilicet sanctissima Trinitas: & ministerialis, scilicet minister: & effectus Sacramenti, qui duplex est; Primo, Facerre militē Christi, insigniendo illum exterius Crucis, interius Charaktere; Secundo, Corroborare ad pugnam spiritualem, confirmingando chrismate.

Notandum Primò, Hanc formam, sicut & reliquas Sacramentorum, magis traditione, quâm scripto haberi. Nam vt Dionysius ait c. 7. par. 3. Ecclesiastica Hierarchia: *Consecratorius invocatus has non est scripto euulgare.* Et Innocentius I. epist. 1. c. 3. de Confirmatione: *Verba dicere non possum, ne magis prodere videar, quam ad consultationm respondere.* Insinuat tamen eam Apostolus 2. ad Cor. 1. v. 21. Qui confirmat, inquit, nos vobis eum in Christo, & qui vñxit nos Deus, qui & signauit nos, & dedit pignus Spiritus in cordibus nostris? Ambrosius c. 7. de ijs, qui mysteriis initiantur, *Serua quod accepisti; signauit te Deus Pater, confirmauit te Christus Dominus.*

Notandum Secundò, Hanc formam videri est essentialem; vt colligitur ex Concilio Florentino. Vnde si sic mutetur, vt non seruetur eadē sententia, nihil fieri. Debent autem exprimi tres Personæ diuinæ, sicut in Baptismo: tum, quia hoc Sacramentum est consummatio quedam baptismi, quia homo per hoc armatur propriè ad fidic professionem, qua potissimum versatur circa mysteriū Trinitatis. Actio quoque Ministri necessariâ exprimatur, sicut in Baptismo: quod fit, cùm dicitur: *Consigno te signo Crucis, & confirmo te chrismate salutis.* Fortasse tamen dictio illa (*salutis*) non est de substantia, cùm videatur contineri in verbo *Confirmandi.* Idē fortè dici posset de hoc verbo (*chrismate*) & (*signo Crucis*): nam *signatio* apud Christianos intelligitur fieri signo Crucis, & *confirmatione* chrismate. Quia tamē res est dubia, si quis sic confirmatus esset, deberet sub conditione iterari.

ARTICVLVS V.
Vtrum Sacramentum Confirmationis imprimat Characterem?

Respondeo, Imprimere Characterem. Vide ¹⁸ suprà qu. 63. art. 1. n. 2. Notandum est hunc Characterem distinguiri realiter à Characteri Baptismi & Confirmationi. Ratio est, Quia Confirmationis omnino distinctum à Sacramento Baptismi: nam ad diuersa munera per hæc deputamur: per Characterem enim Baptismi efficiuntur membra Christi, & capaces Sacramentorum: per Characterem Confirmationis consignamur in milites Christi ad eius fidem publicè profitandam.

Dices,

Concil.
Toletan.

Et chrisma
baptismi
conficerare.